


廣南府志



道光乙酉歲鑄

蘭山書院

培風書院
藏板

纂刻郡誌徵事實啓



蓋聞吳越儒雅曾傳斷髮文身荆楚
風騷猶記蠻音駛舌蠶叢魚服揚雄
與司馬同興桂嶺珠江馮盎共陳元
並著入金馬碧雞之界人欽忠壯文
襄過蒼山洱海之間家頌敦夫震父
地閱歲時而子異天開文運以呈祥

廣南府

啓

一

我廣南夙隸沙儂雜居苗獠二明之
代既乏傳人邊徼之區訖無作者今
沐

聖朝菁莪之化黨庠術序肇其規又蒙
大吏經籍之頒法令典章宣其教艾
男葉女咸知孝弟力田穉子隸丁漸
識詩書執禮雖名儒碩彥繼起者未

之或知而奇節孤行伏處者有可頗
採幸逢

何太守纂修郡誌欲為我荒陬彰表
鄉賢綜千里之幅幘遺逸必備開百
年之風氣盛事須傳如有菽水承歡
繼宗笥祥麟之異棣華式好婉田荆
姜被之休慷慨輸財誼篤婣睦任恤

廣南府志

藝文

二

匍匐救難情殷水火饑寒其或著節
疆場馬革無妨裹體亦有清修環堵
猪肝不以累人文成繡虎雕龍不求
聞遠學究瑯函寶笈未免沉淪似此
瑰奇尤宜記載又如鹿車共挽桓少
君閭範堪師鴻案齊莊孟德曜閨儀
可則和九畫荻抑有前徽續史聯詩

非無佳話青衣待字偏羞賣絹牙郎
紅袖仆鴛甘忍受笞主父馳閨閣之
令譽標釵釧之香名又有射必穿楊
力能扛鼎醫卜星象技也通神奴隸
庸流心乎慕道沙門飛錫而證佛羽
客餐霞以登仙倘綴簡篇都光梓里
瑋等學慙測蟲術愧雕蟲供三輯於

莎廳敢稱博士殫校讐於梅下止類
鈔胥所望里閉閨人鄉閭俊士探奇
訪異俾潛德苦節之畢彰索隱窮幽
庶匪跡韜聲之咸顯或裁為記序或
譜入詩歌無妨文言以道俗情幸勿
諛詞而沒實行上請

使君袂擇下糾工匠雕鏤此日郡邑

沉傳暇紀一邦文獻他時

國家採取自足千載權輿謹啓

邑人

王佩瑋 雷萬欽 龔思醇
戴清 李如珠 胡萬齡 全啓
胡慶元 嚴為琛 丁生聰

嘉慶庚辰年孟春月下澣



廣南府志

卷之四

四

廣南府誌序

廣南邊徼地仕途畏為烟瘴之區也
明代土司自治之府自我

朝康熙十八年始隸版圖設官吏建學
校置弟子員前乎此者賢士大夫游
覽所不到記詠所不及也初予承乏
此土念非周知四境土俗民情無以

廣南府誌

序文

五

為治即某山某水鳥獸草木一石亦
足資言詠屬文詢得前守單公光國
編輯志畧四本公餘披閱惜其轉展
傳鈔脫落錯謫後因諸生就正試藝
乘巽春日麗長夏風清集諸荷花廳
次淪泉煮茗羅列楮墨環坐讐校會
有沿襲謬妄者殫耳目之所睹記別

白訂正舊本本文藝諸生請以杜
撰詩文暨時人雜著補入予笑曰非
所謂敝帚享之千金者耶既而郡人
復遠搜博採徵境內之忠孝節義嘉
言媿行可歌可泣者彙請哀集闡潛
德發幽光亦誌例也溯誌書之作始
於常璩之華陽國志盛宏之荊州

記厥後竟相祖習凡一縣一口莫不
各為之志雲南非獨李元陽通志已
也若唐之樊綽徐雲虔袁滋明之楊
慎陳善彭汝實吳懋諸君子咸能編
摩紀錄炳煥華夷廣南處滇極邊唐
宋時却隸邕州羈縻今則衣冠禮樂
與中土等愚自維吏治倥傯座客俗

狀學問文章更茫然無所得雖強作
解人草具誌藁而考據或欠精詳冗
長失於裁翦罅漏疎於補苴諸難自
信猶期聘請碩學鴻儒擅才學識三
長者而叅訂焉乃廣為延訪訖不可
得歲月如流予歷俸瞬滿被檄述職
埶上笑亟以寫本藏之行篋抵古

廣南府誌

序文

七

師得質証於名宿乃同年舊知只餘
三五大老位尊而望重官顯而務繁
未便情請後起之彥又執禮謙冲堅
辭焉而不敢操觚是以荷蒙

恩旨回任仍摯摯而歸郡人士請曰自公
蒞任百廢具興人文蔚起固已淪浹
衆志家祝而戶頌矣惟府誌未刊勒

成書豈不毫髮遺憾歟予曰唯微
諸君言吾詎忘之也哉第文俚而鋟
板垂世梨棗何辜正恐如江南號為
訕癡符耳雖然廣南百數十年來涵
濡

聖澤聲名文物科目迭興予又守此日久
使郡誌依然缺如後來繼今者將詆

廣南府誌

序文

八

議愚謂某守廣南十餘年一誌書不
克襄厥成哆口設文章吏治毋乃舛
乎又豈某領郡十餘年猶得曰邊徼
烟瘴游覽未到記詠未及乎是以微
諸君言亦將點竄排比舉而付之剞
劂也誌成因序其原委如此

道光五年歲次乙酉孟春月

賜同進士出身雲南廣南府知府俸滿候
陞平樂不園何愚誤

何愚

不園

廣南府志

序文

九

初輯郡誌序

廣南一郡自趙宋分道已入疆域元明設府歷代服從非若蒼山洱海金齒葉榆或順或梗何以延至今日尚無郡誌可稽誠不可解也鳳自少年一行作吏萬里奔馳歷秦楚而來迤西又自楚雄而調茲郡雖同在瘴鄉而所轄惟土州旁無他邑其地之荒僻事之掣肘又為四郡之寡未免智勇交困但念已蒙

廣南府誌

序文

十

簡拔即才如機線何敢以因陋就簡居心任事以來凡有缺墜力圖修舉如學校請設

文廟捐建故丁亥戊子歲科兩試例得文武生二十餘人而文武棘闈亦遂各得一人中選自謂此舉差慰素心若郡誌昔無傳書尤厪於懷迄無成帙蓋以郡之有誌猶國之有史也必得土著賢士大夫年高德邵之父老廣集眾思闡幽發隱乃可從事廣南尚未有學校安所得士大

夫即村寨一二耆舊類皆荷鋤秉耒蠻語難通
於此而欲空中結撰樓閣當亦神工鬼斧所望
而却走徒有歛然悵然留作未了公案而已茲
當報政期滿如切

恩命量移他所以致夙願終虛畢生難釋勉採通志
內列於廣南條下數語再參以己之所見所聞
及所傳聞者草創是編譬諸行萬里者始動足
而下床為山九仞者先覆一簣以冀他日黨庠


廣南府志

序文

十一

英才蔚起而守是邦者承是編而潤色鴻業積
漸成章庶幾往者不可追而來者不終於湮沒
此則鳳誌郡之志大慰云爾

康熙四十六年知廣南府事宛平茹儀鳳謨



纂修廣南府志畧

史以輔經也經則典謨訓誥畫卦陳疇凡夫民俗歌謠官禮賞罰載之簡冊為法為戒史則禮樂制度是非曲直纂修編輯以垂不朽其義一也而余以為郡邑有志亦猶國之有史若圖象若建置若山川若財用以及官師學校兵防文之類叅互考訂彙而誌之一日之記載實關百世之見聞詎淺鮮哉廣南唐六詔徼地宋分

廣南府誌

序文

十三

東西兩路廣南於時為廣源州屬左江道元始立廣南西撫司於雲南即

今府治之始也恭惟

本朝定鼎以來

聲教四訖

重熙累洽久道化成我

皇上踐祚之年添設附郭寶寧縣經畫周詳以致邊徼夷疆輸誠向

化一切城池官廨府庫倉儲學宮壇廟莫不釐然
具備而獨志乘未修洵闕典也歲在庚子余自
楚雄移守茲土厯稽軼事渺無見聞教授蔡馨
陳初輯郡志一本係前府茹公儀鳳於康熙四
十七年手錄嗟乎閱今已八十載矣其間繼繼
承承豈乏名雋光國一介庸愚弗逮前諸君遠
甚然而躬邀

盛典報稱維艱况當

廣南府志

序文

十三

文教昌明之日幸值風雲日啓之時使任其志典
闕如將何以風斯民而宣

聖化用不自揣勉為纂修似創也而實為因固已有
初輯焉者是因也亦可為創則以初輯之去今
已遠矣爰是擴其見聞蒐羅薈萃編輯四卷而
志畧成焉雖然既志矣又何言畧夫亦曰其大
畧也云爾使後之君子可徵足信以為合人情
宜土俗之一助更由其畧以求其備復起而潤

色之則廣南之幸也抑余之厚幸也夫

乾隆四十六年知廣南府事婺源單元國謨



廣南府誌

序文

十四

廣南府誌卷之一

凡例

一府誌纂脩原委見於前府單公光國序中初名志畧今更歷數十年徵考賅備不得更言畧矣故直稱廣南府誌

一志畧內未載圖說今查通志以圖說冠首次星野次山川及學校風俗皆依通志次序

一志畧如山川則必有數句山峙川流語如疆域

廣南府誌

凡例

十五

則必有數句藩垣門戶語幾如策括冒頭覽之生厭故皆從刪

一志畧向無詩文而文藝項下止錄築城建學設官置兵奉行文書為一帙約六七十頁今諸生請將建置原委於各條下聲叙以記敘詩文及郡人士雜著彙為藝文以符體制

一郡志創自前守茹公至單公則纂為志畧足見苦心採輯不鄙薄邊夷之意今各條採之志畧